

yedes wie oberzelt, steet, vest unnd onverbruchlich zu halten unnd nachzukommenn getreulich und one ville geverde. Und ob wyr dissen kauff zu unserer gelegenn zeyt widerumb wolten abloßenn, so sollen wyr das dem kauffer oder seyn testamentarienn, wem eß benothenn ist, eyn halb iar zuvor abkundigenn unnd ansagenn. Ob auch disser  
 5 brieff in zukunfftiger zeyt voraldet, verloren oder sonst gebrechlich wurde, sollen unnd wollen wyr aussgesetzter pflicht gemelten hern doctor oder wem syn testament bevolhen wyr, eyn andern disser form und gleych lauttes myt angehengtem siegel gebenn. Wyr wollen auch dyssen kauff unnd contract in eyns erbarn radtsbuch dysser stadt schreyben lassen. Des zu merer bekrefftigung unnd urkund haben wyr obermeyster diss zeyt  
 10 ernants unnsers hantwergs siegel myt wissen des gantzenn hantwergs unten an dissen brieff thun hengenn. Geben zu Leyptzick am sonntag vor sant Matheus tag des helligen zwolffbotten, noch der geburt Cristi Iesu unsers herrenn tausent funffhundert unnd im sieben und zwentzigsten iare.

## 354.

- 15 *Die Schusterinnung zu Leipzig bekennt, daß sie an Doctor Hieronymus Dungersheym von Ochsenfurt, Collegiaten des großen Collegs und Domhern zu Zeitz, 10 Gulden jährlicher wiederkäuflicher Zinsen für die Hauptsumme von 200 Gulden zu gewissen Bestimmungen verkauft habe. 1527 Sept. 15.*

*Hilschr.: Copiale des großen Fürstenkollegs fol. 35—37.*

In gots namen Amen ꝛc. Wir nochgeschriben mit namen Wendel Kircher diß  
 20 iar regirer, Nickel Tewber, Pawl Bacher obermeister, mit den beysitzern Frantz Morolt, Hans Czschoge, Anders Seyffardt, Kuntz Ley, Iorg Luman des erlichen handtwergs der innung der schuster, burger zcu Leiptzk, bekennen offentlich mit dißem brife vor uns und unser ganntz handtwergk kegenwertigk und zekunfftigk und thuen kundt vor ydermenniglich, das wir mit guthem willen, rechten wissen, wolbedochtem muthe unßer  
 25 und anderer genants handtwercksmeister aller, dem wirdigen hernn magistro Iheronimo Dungerszheym von Ochsenfardt, der heyligen schrift doctor, des grossen collegii collegiat hie zcu Leiptzk und thumherr zcu Czeitz, uff eynen rechten landtleufftigen bestendigen widerkauff mit gunst, willen und wissen eyns erbarn radts genanter stadt Leiptzk recht und redlich vorkaufft haben und kegenwertigklichen vorkeuffenn in krafft diß brieffs  
 30 zeehen Reynisch gulden in müntz, so eyn und zewentzigk groschen fur eyn gulden gerechent, rechter landßwerung ierlicher zcinße uff unßer laden und gantzes handtwercks oder aller meyster oben gesaget, und haben yhme sulche zeehen gulden ierlicher zcinse gegeben vor zewehundert in muntze, so eyn und zewentzigk groschen fur eyn gulden gerechent, gesagter landtswerung heuptguts, die ehr uns baruber und woll zcu dangke  
 35 bezcalt und wir von yhme gezcalt empfangen und furder in gesagts unsers handtwergks zcimlichen und sunderlichen nutz gewandt haben, sagen derhalben doctor Hieronymum ꝛc. sulcher zewehundert gulden heuptguts fur uns und unßer gantz handtwergk queidt,